


門名3
號 277
卷



列名紀原序



大少海とるまの志加身高穴穂の帝の所學
の國の事を知る事は其の要なり
行ふに當りては其の事を知る事は其の要なり
所學又其の事を知る事は其の要なり
實に其の事を知る事は其の要なり
其の事を知る事は其の要なり
其の事を知る事は其の要なり
其の事を知る事は其の要なり

門名紀原序

大日本國

勅名紀原

乾道橘隆盛撰



玉巖堂



此の如くは、諸國の如く、
 諸國の如く、
 志の如く、
 此の如く、
 下りの者、
 其の如く、
 國の如く、
 此の如く、

大正の如く、
 分り、
 此の如く、
 此の如く、
 此の如く、
 此の如く、
 此の如く、
 此の如く、
 此の如く、
 此の如く、

ふさふさの中なるたたりまとのまをま
そふさふさの中なるたたりまとのまをま
原と云時不寛政九の年秋の二夜中の夜
とらふかありまはるかに一はめとちる菊
たれらふのまをまをまをま



日本州名紀原

東西四州

乾道橘隆盛撰

五畿内

日本紀曰孝德天皇二年春正月詔曰凡
畿内者東自名壑横川以来南自紀伊國
兄山以来西自赤石柳淵以来北自近江
狹々浪合坂以来為畿内云々後代以五
國曰畿也田令義解曰畿猶疆也言王畿
之内也東陽許氏云王者所居者地方千
里謂之王畿亦作圻大明一統志作日本
五圻七道四十二代文武天皇御宇分五
畿七道

○山城上八郡舊事紀作山代或山背古事紀作山代五十年代桓武天皇延曆十三年改山背為山城日本後紀曰延曆十三年十一月詔曰山河襟帶自然作城宜改山背國為山城國云々一說有生駒山背故云山背山背山陰謂也國名風土記曰山代物種時養所為代云々二十七代繼體天皇五年被遷都當國筒城是當國帝都始也其後被遷所々至桓武天皇御宇都當國長岡後被遷平安城東海諸國記異朝書曰山城州分為國都有山如城峻嶮自北而南東西回抱云々

○大和十五郡舊事紀作大倭古事紀作倭後漢書作邪麻堆職原句解曰大和名神代事起乎上代八天神窟時糠戶神取天香山荒金作日矛鏡依奉慰御怒解鑿其金山跡國故名山跡神怒奉和故改大和拾芥抄曰天平勝寶年改大倭為大和續日本紀曰天平九年改大倭國為大養德國同十八年復改為大和國

○河内大十四郡舊事紀作凡河内古事紀作凡川内拾芥抄曰神護景雲三年十月以西京河内國為河内職同四年改職又為國此國有淀河内故曰河内國也

○和泉下三郡舊事紀曰和泉國造元河内國靈龜

元年割置茅野監則改為國元珍努官云々類聚國史曰元正天皇靈龜二年四月甲子割河内國大鳥日根和泉三郡始置和泉監延喜年付用之置和泉國云々國名風土記曰此國出泉故以為郡名後以郡名為國名云々皇朝世法錄異朝書作和景

○攝津上十三郡舊事紀曰攝津國造據准法令謂攝津職初為京師桓武天皇御宇改職為國云々和名抄同之延曆十三年三月九日停攝津職為國司此國元名浪速國舊事紀曰神武天皇戊午年春二月丁酉朔丁未皇師即遂東舳艫相接方到難波之碕ニロイヌ會有奔潮太急因以名浪速國亦曰浪花今謂難

波訛也或書曰字彙云攝靜謐也漢書曰攝然天下安津湊津也言此國難波堀江天下著船津也帝都安泰之地也故曰攝津大和本記曰天孫與天探女乘天磐船徊翔而降停船于難波浦故名其地曰高津而國名攝津萬葉集角麻呂歌久堅之天之探女之石船乃泊師高津者淺爾家愜香裳

予曰攝津不讀攝字而曰津國古實也圖書編異朝書作津州

東海道 就東方海邊行道也

○伊賀下四郡舊事紀曰伊賀國造志賀高穴穗朝

成御世武伊賀津別命定賜國造云々依名伊賀國乎同書曰難波朝德御世隸伊勢國飛鳥朝武御世割置如故云々倭姬世記曰天武天皇庚辰歲七月割伊勢國四郡立彼國云々伊賀國風土記曰吾娥津姬命金鈴依知守國謂吾娥郡其後天武天皇御宇以吾娥郡分為國之名按吾娥與伊賀音通後以郡名為國名也魏志作為吾

○伊勢大十三郡名伊勢故職原句解曰按國名出神代則其始尤遠依國津神伊勢津彦住處此國謂伊勢乎上古有此例徃々云々諸書以此說為能

○志摩下二郡舊事紀作島津魏志作斯馬風土記抄曰志摩者和名也以伊勢島之意也放地出海中島也後為國名云々日本釋名同之

○尾張上八郡舊事紀作尾治宋書脫尾字為張尾張風土記曰神武天皇東征之時海部佩室臣奉射天皇天種子命以三角石弓及玉大羽々矢射殺佩室臣討終海部氏姓因此号此國謂於波里乃國謂尾張者音記也一說曰當國熟田明神自八岐大蛇尾割出劍也此劍留此國故曰尾張國云々

○參河上八郡舊事紀作三川風土記抄曰當國有三川一曰男川二曰豐川三曰矢作川是也故号三河國云々

○遠江上十三郡舊事紀作遠淡海風土記曰遠江始書遠淡海此國有大江自帝都遙遠故名遠江後世湖水決海水泝今号今切撮土記曰昔有此國湖水名猪鼻湖乎延喜式神名帳有猪鼻湖神社予按雖改遠江字元用遠淡海訓也

○駿河上七郡舊事紀作珠流河風土記抄曰昔書洲流河此國有葛級河等駿河故名日本釋名駿河駿川之畧語也此國有大井川阿部川富士川等駿川依号云々

○伊豆下三郡舊事紀曰孝德天皇御宇隸駿河國天武天皇御宇分置如故風土記抄曰伊豆者和名也東相摸西駿河出其中間之國也故伊豆則出之儀也又同書此國有温泉故名伊豆者泉下畧也又日本釋名曰此國有駿河相摸中出海中國也故号云々魏志作伊都

○甲斐上四郡續日本紀作歌斐兩朝平壤錄異朝之書作甲斐凡東國者上古未有國名自日本武尊東征始分東國名也或書曰當國山峰間夾國也故以山峽義号甲斐國云々

○相摸上八郡舊事紀作相武古事紀同之風土記曰足輕明神昔狩人也或時離寵妻有悲傷故常見亾妻之鏡思之相摸如見其亾妻故曰相摸職原大

全大和本記袖中抄日本釋名等趣大體如此本歌
 曰阿志賀羅能佐賀美爾由加無多麻加賀美波古
 禰乃屋萬仁阿氣之安志多爾兩朝平壤錄作相摩
 ○武藏大二十一郡舊事紀作無邪志古事紀作无
 邪志風土記抄曰武藏國秩夫嵩者其勢如勇者怒
 立日本武尊美此山奉為東征祈禱以兵具納埋岩
 藏故曰武藏也以武具指置之儀訓牟佐志也云々
 ○安房中四郡舊事紀作阿波職原大全曰養老二
 年五月割上總國四郡置之天平十三年十二月復
 舊其後又置古語拾遺曰天富命所率來阿波齋部
 所居則名總國安房郡元四國阿波齋部所居故名

安房郡其後元正天皇養老二年五月割上總國平
 郡朝夷安房長狹四郡置安房國以郡名為國名也
 ○上總大十一郡 下總下十一郡古語拾遺曰天
 富命更求沃壤分阿波齋部率往東土播殖麻穀好
 麻所生故謂之總國云々上古麻曰總國分上下以
 境界廣也兩朝平壤錄上總作上摠
 ○常陸大十一郡古事紀作常道風土記曰此國邊
 常滿潮民家多有煩故詔曰此國干立成陸百姓安
 故曰飛多智也又日本釋名曰此國自帝都迄東方
 端陸地也故曰常陸比多加知之畧語也云々一說
 曰此國潮常滿故曰常陸國比多加者涵之儀也

東山道

就東方山中之行道也

○近江大十四郡舊事紀作淡海古事紀作近淡海宋書作通江皇朝世法錄又同之風土記抄曰近江始書淡海自帝都近有大江故改近江藤原不比等封近江國十二郡故曰淡海公異稱傳今按曰以有遠淡海國号近淡海國後改近江不鹽海味淡故名淡海國予按以淡海訓用近江字也近帝都為湖水也

○美濃上十八郡古事紀作三野舊事紀作三野前國三野後國元為二州後為一州乎職原大全曰此國有大野三故曰三野後改美濃日本釋名曰有各務野青野關原等三廣野云々

○飛驒下三郡舊事紀作斐陀皇朝世法錄脫飛字為彈風土記抄曰飛驒元美濃國內也然建近江大津宮時自當國良材多出也馱負木行大津如飛故号飛馱後改馱為驒云々

○信濃上十郡古事紀作科野舊事紀同之所載舊事紀百三十五國中無當國名而有諏訪國拾芥抄曰天平三年三月以諏訪國并信濃國云々風土記曰當國多出級木皮代麻用故為名云々

○上野大十四郡 下野上九郡舊事紀作上毛野下毛野古事紀作上菟毛下菟毛舊事紀曰難波高津

朝德仁御世分元毛野國為上下風土記抄曰上毛野下毛野者兩國中間有二野曰佐野笠懸野其野中有一河号渡瀨以此渡瀨為兩國境河西曰上毛野河東曰下毛野予按分毛野國為上下上毛野下毛野也除毛字謂上野下野也毛者有田曰毛也元明帝詔曰國郡名用好字可限二字云依之以上毛野下毛野為上野下野乎皇朝世法錄上野作濃野

○陸奧大古三十五郡今五十四郡舊事紀作道奧或記曰始書六奧言近江美濃信濃上野下野陸奧六國奧也故曰六奧云々予按今陸奧訓陸奧者六奧謂乎上古陸奧出羽為一國圖書編作陸奧兩朝

平壤錄同之

○出羽上十一郡舊事紀曰諾羅朝明御世和銅五年割陸奧越後二國始置此國也云々出羽以郡名為國名也續日本記曰和銅五年九月始置出羽國同十月割陸奧國最上置賜二郡隸出羽國焉云々置出羽國時大政官議奏曰建國辟疆武功所貴設官撫民文教所崇其北道蝦狄憑阻險實縱狂心屢驚邊境自官軍雷擊凶賊霧消狄部晏然皇民無擾誠望便乘時機遂置一國式樹司宰永鎮百姓奏可之於是始置出羽國云々昔在原實方朝臣謫至陸奧國尋阿古屋松云古老曰此松詠此國者蓋未割

國之前也阿古屋今屬出羽國矣實方頻感情而猶
添風致也古歌曰

陸奧農阿古屋能松仁木隱天出陪幾月濃出屋羅
奴哉

風土記曰允恭天皇御宇此國以鷲羽為貢故号出
羽云々

此陸道 就北方陸路行道也

○若狹中三郡風土記抄曰昔此國有男女為夫婦共
長壽也人不知其年數容貌弱如少年後為神今一
宮神是也故曰若狹也云々撮土記曰若狹國若狹
彦若狹姬在國也故名若狹國云々聞書異朝書圖書

編兩朝平壤錄武備志異朝共作若佐

○越前大六郡 越中上四郡 越後上七郡舊事

紀作高志古事紀同之宋書越前作狹越前職原大

全曰越國今越前越中越後加賀能登也豐葦原本

記曰越角鹿坂以內都号越國云々按以越角鹿坂

義号越國乎指越前中後謂三越路也元者越國分

前中後以境界廣也

○加賀上四郡舊事紀作賀我同書曰嵯峨朝御世
弘仁十四年割越前國分為加賀國云々日本後記
曰弘仁十四年三月丙辰割越前國加賀江沼二郡
為加賀國云々一說天平二十年分越前國三郡為

加賀國按以郡名為國名也風土記曰日本武尊征諸國時越荒血山下北陸道于時尊兄大碓皇子尊勢微而為夷恐被圍率數千兵逢江沼國於是加軍勢而賀無異故改江沼為加賀國云々

○能登中四郡舊事紀作能等和名抄曰養老二年割越中國四郡置此國云々續日本紀曰養老二年割越前羽咋能登鳳至珠洲四郡置能登國云々是又以郡名為國名也風土記曰此國西越前東越中間張出國也而北國往來船此國為泊故曰能門海中鹽合名也後為能登云々

○佐渡中三郡古事紀作佐度拾芥抄曰佐渡國天平十五年二月日并越後國天平勝宝四年十一月復置為國云々和名抄曰國府在雜太郡一說曰佐渡佐波太轉語以雜太為郡置府云々是又以郡名為國名也雜太者澤田也

山陰道 就山北西北行道也

○丹波上六郡古事紀作旦波蒼霞草異朝作丹波兩朝平壤錄同之丹波風土記曰丹波國浮田明神者大山咋神也往古丹波國皆湖也其水赤故曰丹波大山咋神鋤其湖水涸遂成國云々丹波以郡名為國名也

○丹後中五郡舊事紀曰諾羅朝元明御世和銅六年

割丹波國置丹後國云々續日本紀曰和銅六年四月乙未割丹波國五郡始置丹後國云々國名丹波後意也宋書作丹彼

○但馬上八郡舊事紀作但遲麻古事紀作多遲摩宋書作但馬皇朝世法錄同之國名風土記曰應神天皇御宇自高麗所獻馬被放當國牧依曰多馬國後為但馬云々

○因幡上七郡舊事紀作稻葉古事紀作稻羽八幡本記諸神記曰因幡國武內宿禰持幡下當國治凶徒故以因幡義曰因幡國云々

○伯耆上六郡舊事紀作伯岐古事紀作伯伎風土記抄曰八岐之蛇欲吞手摩乳足摩乳女稻田姬故遁入山中于時母遲來姬曰母來故号母來國後改為伯耆云々

○出雲上十郡日本紀曰盖大蛇之所居常有雲氣故曰出雲國出雲風土記曰所以号出雲者素盞雄尊依八雲立出雲神詠曰出雲國也云々

○石見中六郡風土記曰此國有高角山及岩碕山皆嶮石之國也故名石見國云々

○隱岐下四郡舊事紀作意岐古事紀作隱伎宋書同之視聽合記曰當國在伯耆出雲石見等之冲故曰隱岐國隱岐和名也日本釋名曰出雲伯耆有冲

島也神代纂疏曰隱岐與謂也此國有北海西北如
有入家與云々

山陽道 就山南西行道也

○播磨大十二郡舊事紀作針間魏志作巴利國圖
書編作攝摩兩朝平壤錄同之國名風土記曰神功
皇后三韓征伐之時霖雨降則待晴間出船故名國
云々一說曰或過此國時有老翁磨芥問曰為何乎
答曰為針其後亦過其所遂見為針故名針間國後
為播磨云々

○美作上七郡舊事紀曰美作國造諾羅明元朝和銅
六年割備前國置美作國云々續日本紀曰和銅六

年四月乙未割備前國六郡始置美作國云々風土
記曰天武天皇與大友皇子戰而敗矣逃於備前國
之山中有老夫婦獻之醴酒天皇賞而稱美甘酒故
為國名云々宋書作美竹

○備前上八郡 備中上九郡 備後上十四郡舊
事紀作吉備古事紀同之職原句解曰昔号吉備國
後以境界廣分三國仍有今前中後名云古事紀孝
靈天皇紀曰大吉備津日子命與若日子建吉備津
日子命二神相副而於針間水河之前居忌亮而針
間為道口以言向和吉備國也此二神在故号國云
○安藝上八郡舊事紀作阿岐古事紀同之風土記

抄曰神功皇后征伐三韓時經此國有一老翁設供御而獻之皇后飽之故名安藝國撮土記曰三代實錄有安藝津彥神在此國故名安藝國云々

○周防上六郡古事紀作周芳日本紀同之風土記曰昔此國海風飄波揚砂而為磯山故名洲防國洲周故改為周防國云々

○長門中五郡舊事紀作穴門此海邊為渦故名穴門也予按今為長門者元明天皇詔曰國郡名以有可用好字改長字乎

南海道 就南方海邊行道也

○紀伊上七郡古事紀作木國魏志作鬼奴國宋書

作伊紀皇朝世法錄兩朝平壤錄同之圖書編作紀祇風土記曰昔秦徐福求仙藥來此國鄉人為奇異人故曰紀伊又來此國故曰紀之國皆用和名曰紀伊也云々予曰紀伊二字不讀伊而謂紀古實也

○淡路下二郡舊事紀作淡道古事紀同之倉霞草作炎路兩朝平壤錄同之神代卷曰於是陰陽始構成為夫婦及至產時先以淡路洲為胞意所不快故名之曰淡路洲云々舊事紀曰先產生淡路洲為胞意所不快故曰淡道洲即謂吾恥也云々

○阿波上九郡舊事紀作粟國古事紀作淡國宋書作河波日本紀曰二神先以淡路洲淡洲為胞云々

淡洲者阿波也初生謂淡也

○讚岐上十一郡日本紀作讚吉宋書作讚耆皇朝世法錄同之風土記曰天照大神更御初衣國也因為國名早脫謂乎

○伊豫上十四郡舊事紀伊余又作伊與日本紀作伊與真野時繩云國名起國魂神号伊與津彦伊與津姬也

○土佐中七郡舊事紀作都佐古事紀作土左職原大全曰土佐者以郡名為國名風土記曰素盞鳥尊御產國也此神御心甚利諸神奉美曰御心利勝因以為國名云々

西海道

就西方海邊行道也

○筑前上十五郡筑後上十郡舊事紀筑志又作竺志續日本紀作竺志此史作竹斯渡會延佳曰今俗指九州曰筑紫元筑前筑後也風土記抄曰允恭天皇御宇自異國貢紫草著筑紫筑著之意也故曰筑紫一說九州形依如木兔蹲踞曰木兔嶋字下略曰筑紫也拾芥抄曰寶龜二年十二月日停筑前國隸太宰府延曆十六年九月日廢筑前入太宰府太同三年五月日又置之云々元筑紫國以境界廣為前後二州也

○肥前上十一郡肥後大十四郡舊事紀作火國

宋書肥後作火兒日本紀曰景行天皇十八年五月壬辰朔從葦北發船到火國於是日沒也夜冥不知著岬遙視火光天皇詔挾抄者曰直指火處曰指火往之即得著岬天皇問其火光處曰何謂邑哉國人對曰是八代縣豐村亦尋其火誰人火也然不得主茲知非人火故名其國曰火國云々謂不知火筑紫自是始元火國改火為肥以境界廣為前後二州也

○豐前上八郡 豐後上八郡舊事紀作豐國古事紀同之職原句解曰按此國在豐日別神鎮座故名豐國風土記取民家豐饒義元豐國以境界廣為前後一州也

○日向中五郡日本紀曰景行天皇十七年春三月幸子湯縣於丹裳小野望東謂左右曰是國也直向日出方故号其國曰日向國舊事紀古事紀共曰此地者向韓國真來通笠沙之御前而朝日之直刺國夕日之日照國也云々宋書作日向

○大隅中八郡和名抄曰和銅六年割日向國四郡置大隅國天長元年傳多禰島隸大隅國風土記曰當國有三隅島岬故号大隅云々續日本紀曰元明天皇朝割日向國肝坏贈於大隅始羅四郡始置大隅國云々以郡名為國名也

○薩摩中十二郡日本釋名曰薩摩陞間也字書曰

徑連山中絕也山多而有山間國也萬葉集有徑妙觀人續日本紀作薩妙觀音訓通故以徑間為薩摩乎薩摩以郡名為國名也續日本紀曰諸蕃異域風俗不同若無譯語難通事按古者入諸蕃而作譯語以宣詔者則為其長乎故譯長並訓日佐又續日本紀曰唱更國今薩摩國也唱更亦與譯同意也

二嶋

○壹岐下二郡舊事紀作伊吉古事紀作伊伎此史作一支閩書作伊岐皇朝世法錄同之或曰日本行離之嶋也故曰由岐日本釋名曰雪也浪高而潮白如雪云々按伊與由音通今謂壹岐者轉語也

○對馬下二郡舊事紀作津嶋古事紀同之隋書作都斯麻或曰對馬嶋津今洲成急速謂也云々

○延喜式民部省式曰陸奧國出羽國佐渡國隱岐國壹岐嶋對馬嶋以上四國二島為邊要云々

○往古者壹岐對馬多禰嶋三嶋也和名抄曰淳和天皇御宇天長元年停多禰嶋隸大隅國也云々三代實錄同之蒼霞草日本考日本古倭奴國在東海中地分五畿七道三島云々日本紀曰天武天皇六年遣多禰嶋使人等貢多禰嶋圖其國去京五千餘里居筑紫南海中切髮草裳粳稻常豐一藟兩收土毛支子莞子及種々海物等多云々亦本朝文粹第

四曰大政官謹奏停多櫛嶋隸大隅國事都良香右
參議大宰大貳從四位下小野朝臣峰守等解稱謹
按按內大政官去二月十一日符稱件島南居海中
人兵之弱在於國家良非扞城夫島司一年給物唯
稻三万六十餘束其島貢調鹿皮一百餘領更無別
物可謂有名無實多損少益右大臣宣奉勅宜勘利
害言上者南溟淼々無國無敵有損無益如符旨須
停島隸大隅國計其課口不足一鄉量其土地有餘
一郡能滿合馭謨益救合於熊毛四郡為二於事得
便者聖帝登樞事期濟世明王布政理貴遠時臣等
商量昔漢元帝納賈捐之言罷珠崖郡前史以為美

談後世稱其英利雖建國量疆非無分野而郵民救
急猶棄州郡況溟海之外賈捐如此加以往還之吏
漂亡者多運送之民蕩沒不少守無益之地損有用
之物求之政典深迂物議伏望依件停隸以省邊弊
伏聽 天裁謹以申聞謹奏天長元九月三日云予
按見此諫奏多櫛島此時隸大隅國分明也舊事紀
國造本紀有多櫛司歸化可知最久圖書編日本考
地分五畿七道三島又有附庸國百餘拘邪韓最大
其國小者百里大不過五百里戶少者千多止一二萬
皆倭種也云兩朝平壤錄日本五畿七道六十六州
三島共統五百八十九郡宋史亦記五畿七道三島

○惜乎諸國風土記民部省圖帳不傳今世出雲豐後兩國風土記而已僅存清三位賢忠卿曰風土記者元明天皇御宇所作者今絕無之風土記抄自卜部家所出也雖多俾俚語上古諸國多用和名故此抄說其當理者可用之云々

○舊事紀國造本紀曰天孫武神治平天下既而初都檀原即天皇位勅褒其功能奇賜國造揔任國造百四十四國云々予按神武天皇御宇者指一郡為國各有國造本文雖書百四十四國有百三十五國後世為六十八箇國成務天皇御宇建內宿禰為大臣定賜大國小國之國造亦定賜國々之堺及大縣小

縣之縣主也

○人皇十三代成務天皇御宇諸國立國造但自神武天皇御宇云國造三十六代皇極天皇御宇改國造曰國司四十二代文武天皇御宇改國司曰國守職原抄曰凡國司之撰和漢重之此云亨鮮之職又云分憂之官

亨鮮職老子經曰治大國若烹小鮮註烹小鮮者攬之則碎治國者攬之則亂

分憂官孟子曰憂民之憂民然憂其憂言國守與民同憂也故曰分憂

漢宣帝稱曰與我共治者唯良二千石乎云々誠是

當一方之重寄察百姓之寒苦非庸才之所可企望故昔時固設格制以勸治否合格者蒙賞違格者被黜是所以擇良吏也

大國守有權官相當從五位上 介有權官相當正

六位下 大掾有權官相當正七位下 少掾有

權官相當從七位上 大目相當從八位上 少

目相當從八位下

官位令各無權官職負令史生有三人

上國守有權官相當從五位下 介有權官相當從

六位上 掾有權官相當從七位上 目相當從

八位下

官位令無權官後代置權職負令史生有三人

中國守相當正六位下

介 官位令無介

掾相當正八位下

目相當大初位下

職負令史生有三人官位令無介弘仁格有介後

代皆置介貞觀七年格能登丹後石見長門土佐

日向等置介

下國守相當從六位下

掾相當從八位下

目相當少初位下

官位令少初位上

職負令史生有三人官位令無掾後代置掾

○元明天皇和銅五年始置諸國史生延喜式曰凡

諸國史生者大國五人上國四人中國三人下國二

人云々

○國朝稱太守者限常陸上野上總三國也以親王任之故也仍件國以今可訓加美

○諸國司謂之外官然而文官之列也天平寶字二年勅諸國司以四箇年為任限

○戶令曰凡郡以二十里以下十六里以上為大郡十二里以上為上郡八里以上為中郡四里以上為下郡二里以上為小郡云々

○郡司每一郡有大領少領主政主帳都曰之郡司也上古曰之縣主但下郡無主政小郡領無大少無主政選叙令曰大領外從八位上少領外從八位下

叙之云々皇極宇天平十五年十二月故置於於

○唐名 守 刺史 太守 牧 介 長史 別

駕 椽 司馬 目 主簿 郡司 縣令

○職原抄曰陸奧國者上古以來為邊要為其國境廣元明天皇和銅五年九月分置出羽國元正天皇養老二年置按察使令監察兩國事聖武天皇二年陸奧國內又置鎮守府々國相並行國事云々

陸奧出羽按察使府 按察使相當從四位下唐名 都護 記事唐名都護錄事 倭伏四人

兩國大國也故國司之外置當官制賊徒且令掌兩國政務也

鎮守府 將軍相當從五位上唐名鎮東將軍

副將軍二人唐名副鎮 軍監相當正七位下唐

名兵曹參軍事 軍曹相當從八位上唐名上鎮

錄事 兼仗二人唐名上鎮史

出羽國 秋田城介為出羽介者兼之

昔陸奧國多起賊徒國廣不能制之故置秋田城

住兵士令守非常上古陸奧出羽為一國其境界

廣大而不從王化者有之故國司之外為防守置

官如此亦陸奧國上古三十五郡也大郡而難治

故今分為五十四郡是又利防賊徒

○聖武天皇御宇天平十五年十二月始置筑紫鎮

西府

筑前國 太宰府 帥有權官相當從三位唐名都

督 大貳相當從四位下唐名都督別駕 少貳

有權官相當從五位下唐名都督長史 大監相

當正六位下唐名都督司馬 少監相當從六位

上唐名同大監 大典相當正七位上唐名都督

錄事 少典相當正八位上唐名同大典

昔筑前國置太宰府是筑紫邊要而兵事賊徒多

或異朝境界而藩扞地也故置府以防非常令管

領九國二島政也

○拍東國曰吾孺者景行天皇紀曰自甲斐北轉歷

武藏上野西逮于確日坂時日本武尊每有顛弟橘媛之情故登確日嶺東南望之三歎曰吾孀者耶故因号山東諸國曰吾孀國也云々

○本邦東極海島稱蝦夷者杜佑之通典東夷部曰蝦夷海東小國也隨倭國使人入朝云々日本書記曰所稱蝦夷者非一陸奥與越蝦夷齧田停代二郡蝦夷渡島蝦夷柵養飽田蝦夷津輕郡蝦夷膽振鈕蝦夷問菟蝦夷也亦曰伊吉連博德書曰天子問曰此等蝦夷國在何方使人謹答曰國在東北天子問曰此等蝦夷國幾種使人謹答曰有三種遠者名都加留次者鹿廳蝦夷近者名熟蝦夷云々或書曰聖武

天皇九年鎮守將軍大野東人啓奥羽二州嶮路百八十里云々予按往古以都加留為蝦夷遠者今松前地數百里屬國朝日本開地東北如此今以日本國何可謂小國乎

○括地志曰和國武皇后改号日本國在百濟南海際依島居云々唐則天皇后長安三年日本遣其大臣朝臣真人來貢方物因言其國近日所出故号曰日本國云々釋日本紀延喜講記曰日本者自唐所号也隋文帝開皇中入唐使小野妹子將改倭号為日本然依隋皇暗物理遂不許至唐武德中始号日本云々中原師遠斯文引經籍後傳記曰小治田朝

推古

遣小野臣因高於隋購求書籍兼賸隋天子其書曰日出處天子致書日沒處天子煬帝覽之不悅猶怪其意氣高遠遣裴世清等十三人送因高觀國風云○推古天皇十四年遣小野妹子於隋當隋大業二年也其書曰日出處天子致書日沒處天子同十五年小野妹子歸朝自隋裴世清等從來此時煬帝書翰書皇帝問倭王聖德太子退天子号惡書倭王其返翰書東天皇白西皇帝云々予按徃古意氣高如此然足利義滿公受明朝封爵稱臣用曆古今未聞國朝耻辱莫大焉明神宗帝以豐臣秀吉公封日本國王秀吉公曰余既王日本胡用西夏封爵為退之者實雪我邦之耻也

○異稱傳今按曰日本者似指日向國倭國者實指大和國也舊唐書世法錄者日本與倭國別立條或為別種太平御覽同之大明一統志曰日本乃小國也為倭所并云々新舊唐書又同之神武天皇初者都日向國官崎後平倭國都檀原故曰日本併倭國之地也予按惣異朝書記日本者小國也者指日向國謂九州一島也北史曰新羅百濟共日本為大國記入貢由琉球雖小國昔者中山々南山北為三國有三王今并雖為一國此日本甚小國也何今以日本六十餘州為小國乎

予按以倭和字共訓屋滿登者神武天皇治平天下都山跡國檀原即天皇位故以山跡為日本惣号以異朝帝都國如為四百餘州惣号後改山跡為倭又改為和倭和字共無屋滿登訓此國元以山跡義名屋滿登依為此國帝都和大為大和為日本惣号也異朝國号如稱大今帝都雖有山城國以古号普稱之曰大和也異朝亦以漢代長久于今稱之曰和漢乎

○君子國号出山海經為國朝名者本朝文粹三善清行說起乎雖似自誇文武天皇御宇正四位下栗田真人為遣唐使唐書曰此歲日本國遣其大臣朝臣真人貢方物日本者倭國之別名也朝臣真人者猶中國地官尚書也頗讀經史容止温雅朝廷異之拜司膳負外郎云々國朝此事書續日本紀曰正四位下栗田真人自唐至初至唐時有人來問曰何處使人答曰日本國使我便反問曰此是何州界答曰是大周楚州監縣界也更問先是大唐今稱大周國号緣何改稱答曰永淳二年天皇大帝崩皇太后登位稱号聖神皇帝國号大周問答畧了唐人謂我使曰丞聞海東有大倭國謂之君子國人民豐樂禮義敦行今看使人儀容大淨豈不信乎語畢而去云々予按異朝指日本稱君子國無所疑

○閩書曰日本古倭國也在東海中又曰國君居山城以王為姓以尊為号云々後漢書東夷傳倭傳通於漢者三十許國皆稱王世々傳統其大倭王居耶馬臺國云々此通於漢者謂三十許國者不審也

○戶令曰凡戶以五十戶為里每里置長一人掌檢校戶口課殖農桑禁察非違催賦役凡京每坊置長一人四坊置令一人掌檢校戶口督察奸非催賦

賦徭

日本州名紀原終



昔皇朝盛也文儒奉詔撰國史及律令格式又有風土紀一如李唐之政保平以還文教壞亂而風土紀燬失其所殘缺僅存二三策甚可惜

馬橋叟鈔撮國史及諸書所
載地迹之語著州名紀原使
好事者知其名所自出也一
日袖之眎余之臨見之非惟知地
之古稱也即操觚家擇雅稱
而用之亦有益也叟名隆盛
字德卿清雅有志善長國
風兼通柔事仕為步兵伍
長吾嘗同僚而今請題一
辭此書亦以舊知故也
戊午仲夏高麗山樵天爵撰



